

大智度論卷第十一

等士卷

龍樹菩薩造 姚秦三藏法師鳩摩羅什譯
釋初品中舍利弗因緣

告舍利弗。問曰般若波羅密是菩薩摩訶薩法佛何以故告舍利弗而不告菩薩答曰舍利弗於一切弟子中智慧最第一如佛偈說

一切衆生智 唯除佛世尊 欲比舍利弗智慧及多聞 於十六分中 猶尚不及一復次舍利弗智慧多聞有大功德年始八歲誦十八部經通解一切經書義理是時摩伽陀國有龍王兄弟一名姞利二名阿伽和羅降爾以時國無荒年人民感之常以仲春之

文研

月一切大集至龍住處爲設大會作樂談義終此一日自古及今斯集未替遂以龍名以名此會此日常法敷四高座一爲國王二爲太子三爲大臣四爲論士余時舍利弗以八歲之身問衆人言此四高座爲誰敷之衆人答曰爲國王太子大臣論士是時舍利弗觀

察時人婆羅門等神情瞻向無勝已者便昇論床結跏趺坐衆人疑惱或謂愚小無知或謂智量過人雖復嘉其神異而猶各懷自矜恥其年小不自與語皆遺年少弟子傳言問之其答酬旨趣辭理超絕時諸論師歎未曾有愚智大小一切皆伏王大歡喜即命有司封一聚落常以給之王乘象舉振鈴告吉宣示一切十六大國六大城市中無不慶悅是時吉占師子名拘律陀姓大目捷連舍利弗友而親之舍利弗才明見貴目捷連豪爽取重此二人者才智相比德行互同行則俱遊住則同止少長繼繫結要終始後俱厭世出家學道作梵志弟子精求道門久而無徵以問於師師名刪闍耶而答之言自我求道彌歷年歲不知爲道果無耶我非其人耶而亦不得他日其師寢疾舍利弗在頭邊立大目連在足邊立喘然其命將終乃愍而笑二人同心俱問笑意師答之言世俗無眼爲恩

愛所侵我見金地國王死其大夫人自投火
蘋求同一處而此二人行報各異生處殊絕

是時二人筆受師意欲以驗其虛實後有金
地商人遠來摩伽陀國二人以疏驗之果如
師語乃慚然歎曰我等非其人耶爲是師隱
我耶二人相與誓曰若先得甘露要必同味

二言

是時佛度迦葉兄弟千人次遊諸國到王舍
城頓止竹園二梵志師聞佛出世俱入王舍

五人

城欲知消息余時有一比丘名阿說示
著衣持鉢入城乞食舍利弗見其儀服異容
諸根靜默就而問言汝誰弟子師是何人答
言釋種太子猷老病死苦出家學道得阿耨

多羅三藐三菩提是我師也舍利弗言汝師
教授爲我說之即答偈曰

我年既幼稚 受戒日初淺 豈能演至真

廣說如來義
舍利弗言略說其要余時阿說示比丘說此
偈言

諸法因緣生 是法說因緣 是法因緣盡
大師如是言

舍利弗聞此偈已即得初道還報目連目連
見其顏色和悅迎謂之言汝得甘露味耶爲
我說之舍利弗即爲其說向所聞偈目連言更
爲重說即復爲說亦得初道二師與二百五

十弟子俱到佛所佛遙見二人與弟子俱來
告諸比丘汝等見此二人在諸梵志前者不
諸比丘言已見佛言是二人者是我弟子中
智慧第一神足第一弟子大衆俱來以漸近
佛旣到誓首在一面立俱白佛言世尊我等
於佛法中欲出家受戒佛言善來比丘即時

三德一

三文

鬚髮自落法服著身衣鉢具足受成戒過
半月後佛爲長爪梵志說法時舍利弗得阿
羅漢道所以半月後得道者是人當作逐佛
轉法輪師應在學地現前自入諸法種種具
知是故半月後得阿羅漢道如是等種種功
德甚多是故舍利弗雖是阿羅漢佛以是般

若波羅蜜甚深法爲舍利弗說問曰若爾者何以初少爲舍利弗說後多爲須菩提說若以智慧第一故應爲多說復何以爲須菩提說答曰舍利弗佛弟子中智慧第一須菩提於弟子中得無諍三昧最第一無諍三昧相常觀衆生不令心惱多行憐愍諸菩薩者弘

大誓願以度衆生憐愍相同是故命說

復次是須菩提好行空三昧如佛在忉利天夏安居受歲已還下闍浮提尔時須菩提於石窟中住自思惟佛從忉利天來下我當至佛所耶不至佛所耶又念言佛常說若人以智慧眼觀佛法身則爲見佛中最是時以佛從忉利天下故闍浮提中四部衆集諸天見人人亦見天坐中有佛及轉輪聖王諸天大衆衆會莊嚴先未曾有須菩提心念今此大衆雖復殊特勢不久停磨滅之法皆歸無常因此無常觀之初門悉知諸法空無有實作是觀時即得道證尔時一切衆人皆欲求先

見佛禮敬供養有華色比丘尼欲除女名之惡便化爲轉輪聖王及七寶千子衆人見之皆避坐起去化王到佛所已還復本身爲比丘尼最初禮佛是時佛告比丘尼非汝初禮須菩提最初禮我所以者何須菩提觀諸法空是爲見佛法身得真供養供養中最非以

致敬生身爲供養也以是故言須菩提常行空三昧與般若波羅蜜空相應是故佛命令說般若波羅蜜

復次佛以衆生信敬阿羅漢諸漏已盡命之爲說衆得淨信故諸菩薩漏未盡若以爲說

德一

四

那

若波羅蜜問曰何以名舍利弗爲是父母所作字爲是依行功德立名答曰是父母所作名字於闍浮提中第一安樂有摩伽陀國其中有大城名王舍王名頻婆娑羅有婆羅門論議師名摩陀羅王以其人善能論故賜封一邑去城不遠是摩陀羅遂有居家婦生一

女眼似舍利鳥眼即名此女爲舍利次生一男膝骨鹿大名拘繕羅拘繕羅秦言大膝也是婆羅門既有居家畜養男女所學經書皆已陳故不復業新是時南天竺有一婆羅門大論議師字提舍於十八種大經皆悉通利是人入王舍城頭上戴火以鍼鎊鎊腹人問其故便言我所學經書甚多恐腹破裂是故鎊之又問頭上何以戴火答言以大闇故衆人言日出照明何以言闇答言闇有二種一曰日光不照二者愚癡闇蔽今雖有日明而愚癡猶黑衆人言汝但未見婆羅門摩陁羅汝若見者腹當縮明當闇是婆羅門徑至敲邊打論議鼓國王聞之間是何人衆臣答言南天竺有一婆羅門名提舍大論議師欲求論處故打論鼓王大歡喜即集衆人而告之曰有能難者與之論議摩陁羅聞之自疑我以陳故不復業新不知我今能與論不僱俛而來於道中見二特牛方相觸觸心中作想此牛是我

總一

五

文

彼牛是彼以此爲占知誰得勝此牛不如便大愁憂而自念言如此相者我將不如欲入衆時見有母人挾一瓶水正在其前躋地破瓶復作是念是亦不吉甚大不樂旣入衆中見彼論師顏貌意色勝相具足自知不如事不獲已與共論議論議既交便墮負處王大歡喜大智明人遠入我國復欲爲之封一聚落諸臣議言一聰明人來便封一邑功臣不賞但寵語論恐非安國全家之道今摩陁國論議不如應奪其封以與勝者若更有勝人復以與之王用其言即奪與後人是時摩陁羅語提舍言汝是聰明人我以女妻汝男兒相累今欲遠出他國以求本志提舍納其妻爲婦其婦懷妊夢見一人身披甲冑手執金剛摧破諸山而在大山邊立覺已白其夫言我夢如是提舍言汝當生男摧伏一切諸論議師唯不勝一人當與作弟子舍利懷妊以其子故母亦聰明大能論議其弟拘繕羅與

姊談論每屈不如知姊所懷子必大智慧未
生如是何況出生即捨家學問至南天竺不
暇剪爪讀十八種經書皆令通利是故時人
名爲長爪梵志姊子旣生七日之後裏以白
疋以示其父其父思惟我名提舍逐我名字
字爲憂波提舍憂波泰言逐是爲父母作字

衆人以其舍利所生皆共名之爲舍利弗弗者泰言也復次舍利弗世世本願於釋迦文尼佛所
作智慧第一弟子字舍利弗是爲本願因緣
名字以是故名舍利弗問曰若余者何以不
言憂波提舍而但言舍利弗答曰時人貴重
其母於衆女人中聰明第一以是因緣故稱
舍利弗

經菩薩摩訶薩欲以一切種智知一切法當
習行般若波羅蜜菩薩摩訶薩義如先讚菩薩品中說問曰云何名一切種云何名一切
法答曰智慧明名爲種有人以一智慧門觀
有人以二三十百千萬乃至恒河沙等阿僧

篋一

六

桂

祇智慧門觀諸法今以一切智慧門入一切
種觀一切法是名一切種如凡夫人三種觀
欲離欲離色故觀欲色界塵惡誑惑濁重佛
弟子八種觀無常苦空無我如病如癱如箭
入體惱患是八種聖觀入四聖諦中爲十六
行之四十六者觀苦四種無常苦空無我觀

苦因四種集因緣生觀苦盡四種盡滅妙出
觀道四種道正行跡出入息中復有十六行
一觀入息二觀出息三觀息長息短四觀息
遍身五除諸身行六受喜七受樂八者受諸
心行九作喜十心作攝十一心作解脫十二觀
無常十三觀散壞十四觀離欲十五觀滅十
六觀棄捨復有六種念念佛者佛是多陀阿
伽度阿羅呵三藐三佛陀如是等十号五念
如後說世智出世智阿羅漢辟支佛菩薩佛
智如是等智慧知諸法名爲一切種一切法
者識所緣法是一切法所謂眼識緣色耳識
緣聲鼻識緣香舌識緣味身識緣觸意識緣

法緣眼緣色緣眼識乃至緣意緣法緣意識是名一切法是爲識所緣法復次智所緣法是一切法所謂苦智知苦集智知集盡智知盡道智知道世智知苦集盡道及虛空非數緣滅是爲智所緣法復次二法攝一切法色法無色法可見法不可見法有對法無對法有漏

(德一)

丈

無漏有爲無爲心相應心不相應業相應業不相應心法中除思餘盡相應業即是思故除近法遠法等如是種種二法攝一切法現在及無爲是爲近法未來過去是名遠復次三種法攝一切法善不善無記學無學非學非無學見諦斷思惟斷不斷復有三種法五衆十二入十八界持如是等種種三法攝一切法復有四種法過去未來現在法非過去未來現在法欲界繫法色界繫法無色界繫法不繫法從善因法從不善因法從無記因法從非善非不善無記因法緣緣法緣不緣法緣緣不緣法非緣緣非緣不緣法如是等四種法攝一切法有五種法色心心

相應心不相應無爲法如是等種種五法攝一切法有六種法見苦斷法見集盡道斷法思惟斷法不斷法如是等種種六法乃至無量法攝一切法是爲一切法問曰諸法甚深微妙不可思議一切衆生尚不能得知何況一人欲盡知一切法譬如有人欲量天地及數大海水滯欲稱須彌山欲知虛空邊際如是等皆不可知云何欲以一切種知一切法答曰愚癡闇蔽甚大苦智慧光明最爲樂一切衆生皆不用苦但欲求樂是故菩薩求一切第一大智慧觀一切種欲知一切法是菩薩發大心普爲一切衆生求大智慧是故欲知一切種一切法如醫爲一人二人用一種二種藥則足若欲治一切衆生病者當須一切種藥菩薩亦如是欲度一切衆生故欲知一切種一切法如諸法甚深微妙無量菩薩智慧亦甚深微妙無量先答破一切智人中已廣說如函大蓋亦大復次若不以理求一

切法則不可得若以理求之則無不得譬如
鑽火以木則火可得希薪求火火不可得如
大地有邊際非一切智人無大神力則不能
知若神通力大則知三千大千世界地邊際
今此大地在金剛上三千大千世界四邊則
虛空如是名地邊欲稱須彌山亦如是欲量

德一

虛空非不能量虛空無法故不可量

舍利弗白佛言世尊菩薩摩訶薩云何欲
以一切種知一切法當習行般若波羅蜜論
問曰佛欲說般若波羅蜜故種種現神變現
已應即說何以故令舍利弗問而後說答曰
問而後答佛法應尔

鵠鵠飛來佛邊住佛經行過之影覆鵠上鵠
身安隱怖畏即除不復作聲後舍利弗影到
鵠便作聲戰怖如初舍利弗白佛言佛及我
身俱無三毒以何因緣佛影覆鵠鵠便無聲
不復恐怖我影覆上鵠便作聲顫慄如初佛
言汝三毒習氣未盡以是故汝影覆時恐怖

部

不除汝觀此鵠宿世因緣幾世作鵠舍利弗
即時入宿命智三昧觀見此鵠從鵠中來如
是一二三世乃至八萬大劫常作鵠身過是
已往不能復見舍利弗從三昧起白佛言是
鵠八萬大劫中常作鵠身過是已前不能復
知佛言汝若不能盡知過去世試觀未來出

德一

九

文

復次舍利弗知般若波羅蜜甚深微妙無相
之法難解難知自以智力種種思惟若觀諸
法無常是般若波羅蜜耶不是耶不能自了
以是故問復次舍利弗非一切智於佛智慧
中譬如小兒如說阿婆檀那經中佛在祇桓
住晡時經行舍利弗從佛經行是時有鷲逐

辟支佛所知齊限復於恒河沙等大劫中常作鵠身罪訖得出輪轉五道中後得爲人經五百世中乃得利根是時有佛度無量阿僧祇衆生然後入無餘涅槃遺法在世是人作五戒優婆塞從比丘聞讚佛功德於是初發心願欲作佛然後於三阿僧祇劫行六波羅蜜十地具足得作佛度無量衆生已而入涅槃是時舍利弗向佛懺悔白佛言我於一鳥尚不能知其本末何況諸法我若知佛智慧如是者爲佛智慧故寧入阿鼻地獄受無量劫苦不以爲難如是等於諸法中不了故問大智度論釋初品中檀波羅蜜義

經佛告舍利弗菩薩摩訶薩以不住法住般若波羅蜜中以無所捨法應具足檀波羅蜜施者受者及財物不可得故問曰般若波羅蜜是何等法答曰有人言無漏慧根是般若波羅蜜相何以故一切慧中第一慧是名般若波羅蜜無漏慧根是第一以是故無漏慧根名般若波羅蜜

問曰若菩薩未斷結云何得行無漏慧答曰菩薩雖未斷結行相似無漏般若波羅蜜是故得名行無漏般若波羅蜜譬如聲聞人行暖法頂法忍法世間第一法先行相似無漏法後易得生苦法智忍有人言菩薩有二種有斷結使清淨有未斷結不清淨斷結清淨菩薩能行無漏般若波羅蜜問曰若菩薩斷結清淨復何以行般若波羅蜜答曰雖斷結使十地未滿未莊嚴佛土未教化衆生是故行般若波羅蜜復次斷結有二種一者斷三毒心不著人天中五欲二者雖不著人天中五欲於菩薩功德果報五欲未能捨離如是

德

菩薩應行般若波羅蜜譬如長老阿泥盧豆在林中坐禪時淨愛天女等以淨妙之身來試阿泥盧豆阿泥盧豆言諸姊作青色來不用雜色欲觀不淨不能得觀黃赤白色亦復如是時阿泥盧豆閉目不視語言諸姊遠去是時天女即滅不現天福報形猶尚如是何況

菩薩無量功德果報五欲又如甄陀羅王與八萬四千甄陀羅來到佛所彈琴歌頌以供養佛尔時須彌山王及諸山樹木人民禽獸一切皆舞佛邊大衆乃至大迦葉皆於座上不能自安是時天鬚菩薩問長老大迦葉耆年舊宿行十二頭陀法之第一何以在座不能自安大迦葉言三界五欲不能動我是菩薩神通功德果報力故令我如是非我有心不能自安也譬如須彌山四邊風起不能令動至大劫盡時毗藍風起如吹爛草以是事故知二種結中一種未斷如是菩薩等應行般若波羅蜜是阿毗曇中說復有人言般若波羅蜜是有漏慧何以故菩薩至道樹下乃斷結先雖有大智慧有無量功德而諸煩惱未斷是故言菩薩般若波羅蜜是有漏智慧復有人言從初發意乃至道樹下於其中間所有智慧是名般若波羅蜜成佛時是般若波羅蜜轉名薩婆若復有人言菩薩有漏無漏智慧總名般

德

一

十一

文

若波羅蜜何以故菩薩觀涅槃行佛道以是事故菩薩智慧應是無漏以未斷結使事未成辦故應名有漏復有人言菩薩般若波羅蜜無漏無為不可見無對復有人言是般若波羅蜜不可得相若有若無若常若無常若空若實是般若波羅蜜非陰界入所攝非有爲非無爲非法非非法無取無捨不生不滅出有無四句適無所著譬如火燄四邊不可觸以燒手故般若波羅蜜相亦如是不可觸以邪見火燒故問曰上種種人說般若波羅蜜何者爲實答曰有人言各各有理皆是實如經說五百比丘各各說二邊及中道義佛言皆有道理有人言末後答者爲實所以者何不可破不可壞故若有法無毫釐許者皆有過失可破若言無亦可破此般若中有亦無無亦無非有非無亦無如是言說亦無是名寂滅無量無戲論法是故不可破不可壞是名真實般若波羅蜜最勝無過者如轉輪

聖王降伏諸敵而不自高般若波羅蜜亦如是能破一切語言戲論亦不有所破復次從此已後品品中種種義門說般若波羅蜜皆是實相如是不住法住般若波羅蜜中能具足六波羅蜜問曰云何名不住法住般若波羅蜜中能具足六波羅蜜答曰如是菩薩觀一切法非常非無常非苦非樂非空非實非我非無我非生滅非不生滅如是住甚深般若波羅蜜中於般若波羅蜜相亦不取是名不住法住若取般若波羅蜜相是爲住法住問曰若不取般若波羅蜜相心無所著如佛所言一切諸法欲爲其本若不取者云何得具足六波羅蜜答曰菩薩憐愍衆生故先立誓願我必當度脫一切衆生以精進波羅蜜力故雖知諸法不生不滅如涅槃相復行諸功德具足六波羅蜜所以者何不住法住般若波羅蜜中故是名不住法住般若波羅蜜

德一

十二

問曰檀有何等利益故菩薩住般若波羅蜜中檀隨逐人檀爲破苦能與人樂檀爲善御開示天道檀爲善符攝諸善人施攝善人與爲因緣故言攝檀爲安隱臨命終時心不怖畏檀爲慈相能濟一切檀爲集樂能破苦賊檀爲大將能伏慳敵檀爲妙果天人所愛檀爲淨道賢聖所遊檀爲積善福德之門檀爲立事聚衆之緣檀爲善行受果之種檀爲福業善人之相檀破貧窮斷三惡道檀能全獲福樂之果檀爲涅槃之初緣入善人聚中之要法稱譽讚歎之淵府入衆無難之功德心不悔恨之窟宅善法道行之根本種種歡樂之林敷富貴安隱之福田得道涅槃之津梁聖人大士智者之所行餘人儉德寡識之所效復次譬喻失火之家點烹之人明識形勢及火未至急出財物舍雖燒盡財物悉在更修室宅好施之人亦復如是知身危脆財物無常修福及時如火中出物後世受樂亦如

彼人更修宅業福慶自慰愚惑之人但知惜屋忽忽營救狂愚失智不量火勢猛風絕焰土石爲燒翕響之間蕩然夷滅屋既不救財物亦盡飢寒凍餓憂苦畢世慳惜之人亦復如是不知身命無常須臾回保而更聚斂守護愛惜死至無期忽焉逝沒形與土木同流

德一

三

桂

財與委物俱棄亦如愚人憂苦失計復次大慧之人有心之士乃能覺悟知身如幻財不可保萬物無常唯福可恃將人出苦津通大道復次大人心能大布施能自利己小人小心不能益他亦不自厚復次譬言如勇士見敵必期吞滅智人慧心深得悟理慳賊雖強亦能挫之必令如意遇良福田值好時節_{時應}不作是名失時_而覺事應心能大布施復次好施之人爲人所敬如月初出無不愛者好名善譽周聞天下人所歸仰一切皆信好施之人貴人所念賤人所敬命欲終時其心不怖如是果報今世所得譬言如樹華大果無量後世

福也生死輪轉往來五道無親可恃唯有布施若生天上人中得清淨果皆由布施象馬畜生得好樞養亦是布施之所得也布施之德富貴歡樂持戒之人得生天上禪智心淨無所染著得涅槃道布施之福是涅槃道之資糧也念施故歡喜歡喜故一心觀生滅無常故得道如人求蔭故種樹或求華或求果故種樹布施求報亦復如是今世後世樂如求蔭聲聞辟支佛道如華成佛如果是爲檀種種功德

大智度論釋初品中檀相義

問曰云何名檀答曰檀名布施心相應善思是名爲檀有人言從善思起身口業亦名爲檀有人言有信有福田有財物三事和合時心生捨法能破慳貪是名爲檀譬如慈法觀衆生樂心生慈布施心數法亦復如是三事和合心生捨法能破慳貪檀有三種或欲界繫或色界繫或不繫聖人行施心相應法隨

心行共心生非色法能作緣非業業相應隨業行共業生非先世業報生二種修應修行修得修二種證身證慧證若思惟斷若不斷二見斷欲界色界有覺有觀法凡夫聖人共行如是等阿毗曇中廣分別說復次施有二種有淨有不淨不淨施者愚癡施無所分別或

德一

古

桂

有爲求財故施或愧人故施或爲嫌責故施或畏懼故施或欲求他意故施或畏死故施或誑人令喜故施或自以富貴故應施或譁勝故施或妬瞋故施或嬌慢自高故施或爲名譽故施或爲呪願故施或解除衰求吉故施或爲聚衆故施或輕賤不敬施如是等種

種名爲不淨施淨施者與上相違名爲淨施復次爲道故施清淨心生無諸結使不求今世後世報恭敬憐愍故是名淨施淨施是趣涅槃道之資糧是故言爲道故施若未得涅槃時施是人天報樂之因如華瓔珞初成未壞香潔鮮明爲涅槃淨施得果報香亦復如

是如佛說世有二人爲難得一者出家中非時解脫比丘二者在家白衣能清淨布施是淨施相乃至無量世不失誓如券要終無失時是布施果因緣和合時便有誓如樹得時節會便有華葉果實若時節未至有因而無果是布施法若以求道能與人道何以故結使滅名涅槃當布施時諸煩惱薄故能助涅槃於所施物中不惜故除慳敬念受者故除嫉妬直心布施故除諂曲一心施故除掉深思惟施故除悔觀受者功德故除不恭敬自攝心故除不慚知人好功德故除不愧不著財物故除愛慈愍受者故除瞋恭敬受

德一

十五

十文

者故除憍慢知行善法故除無明信有果報故除邪見知決定有報故除疑如是等種種不善諸煩惱布施時悉皆薄種種善法悉皆得布施時六根清淨善欲心生善欲心生故內心清淨觀果報功德故信心生身心柔軟故喜樂生喜樂生故得一心得一心故實智

慧生如是等諸善法悉皆得復次布施時心中生相似八正道信布施果故得正見正見中思惟不亂故得正思惟清淨說故得正語淨身行故得正業不求報故得正命勤心施故得正方便念施不廢故得正念心住不散故得正定如是等相似三十七品善法心中生

復次有人布施是三十二相因緣所以者何施時與心堅因得足下安立相布施時五事圍違受者是眷屬業因緣故得足下輪相大勇猛力施故得足跟廣平相施攝人故得手足綬綱相美味飲食施故得手足柔軟七處滿相施以益命故得長指身不曲大直相施

時言我當相與施心轉增故得足趺高毛上向相施時受者求之一心好聽慇懃約勑令必疾得故得伊泥延脣相不瞋不輕求者故得臂長過膝相如求者意施不待言故得陰藏相好衣服卧具金銀珍寶施故得金色身相薄皮相布施時適可前人意起自在業因

綠故得一一孔一毛生眉間白毫相乞者求之即言當與以是業故得上身如師子肩圓相病者施藥飢渴者與飲食起少病業因緣故得兩腋下滿相最上味相施時勸人行施而安慰之開布施道故得肉髻相身圓如尼拘盧相有乞求者意欲與時柔軟實語必與不虛故得廣長舌相梵音聲相如迦陵毗伽鳥聲相施時如實語利益語故得師子頰相施時供養受者心清淨故得牙白齒齊相施時實語和合語故得齒密相四十齒相施時不瞋不著等心視彼故得青眼相眼瞤如牛王相是爲種三十二相因緣

德一

六

復次以七寶人民車乘金銀燈燭房舍香華布施故得作轉輪王七寶具足復次施得時故報亦增多如佛說施遠行人遠來人病人看病人風寒衆難時施是爲時施復次布施時隨土地所須施故得報增多復次曠路中施故得福增多常施不廢故得報增多如求者

所欲施故得福增多施物重故得福增多如以精舍園林浴池等若施善人故得報增多若施僧故得報增多若施者受者俱有德故得報增多種種將迎恭敬受者故得福增多難得物施故得福增多隨所有物盡能布施故得福增多譬如大月氏弗迦羅城中有一

畫師名千那到東方多利陀羅國客畫十二年得三十兩金持還本國於弗迦羅城中聞打鼓作大會聲往見衆僧信心清淨即問維那此衆中幾許物得作一日食維那答曰三十兩金足得一日食即以所有三十兩金付維那爲我作一日食我明日當來空手而歸其婦問曰十二年作得何等物答言我得三十兩金即問三十兩金今在何所答言已在福田中種婦言何等福田答言施與衆僧婦便縛夫送官治罪斷事大官問以何事故婦言我夫狂癡十二年作得三十兩金不憐愍婦兒盡以與他人依如官制輒縛送來大官

德一

七

文

問其夫汝何以不供給婦兒乃以與他答言我先世不行功德今世貧窮受諸辛苦今世遭遇福田若不種福後世復貧貧資相續無得脫時我今欲頓捨貧窮以是故盡以金施衆僧大官是優婆塞信佛清淨聞是語已讚言是爲甚難勤苦得此少物盡以施僧汝是善人即脫身瓔珞及所乘馬并一聚落以施貧人而語之言汝始施衆僧衆僧未食是爲穀子未種芽已得生大果方在後耳以是故言難得之物盡用布施其福最多復次有世間檀有出世間檀有聖人所稱譽檀有聖人所不稱譽檀有佛菩薩檀有聲聞檀何等出間檀凡夫人布施亦聖人作有漏心布施是名世間檀復次有人言凡夫人布施是爲世間檀聖人雖有漏心布施以結使斷故名出世間檀何以故是聖人得無作三昧故復次世間檀者不淨出世間檀者清淨二種結使一種屬愛一種屬見爲二種結使所使

是爲世間檀無此二種結使是爲出世間檀
若三礙繫心是爲世間檀何以故因緣諸法
實無吾我而言我與彼取是故名世間檀
復次我無定處我以爲彼彼以爲非彼以爲
我我以爲非以是不定故無實我也所施財
者從因緣合有無有一法獨可得者如絹如

布衆緣合故成除絲除縷則無絹布諸法亦
如是一相無相相當自空人作想念計以爲
有顛倒不實是爲世間檀心無三礙實知法
相心不顛倒是爲出世間檀出世間檀爲聖
人所稱譽世間檀聖人所不稱譽復次清淨
檀不雜諸垢如諸法實相是聖人所稱譽不
清淨雜結使顛倒心著是聖人所不稱譽
復次實相智慧和合布施是聖人所稱譽若
不爾者聖人所不稱譽復次不爲衆生亦不
爲知諸法實相故施但求脫生老病死是爲
聲聞檀爲一切衆生故施亦爲知諸法實相故
施是爲諸佛菩薩檀於諸功德不能具足相

德一

六

部

欲得少許分是爲聲聞檀一切諸功德欲具
足滿是爲諸佛菩薩檀畏老病死故施是爲
聲聞檀爲助佛道爲化衆生不畏老病死是
爲諸佛菩薩檀是中應說菩薩本生經如說
阿婆陀那經中昔閻浮提中有王名婆薩婆
余時有婆羅門菩薩名韋羅摩是國王師教
王作轉輪聖王法韋羅摩財富無量珍寶具
足作是思惟人謂我爲貴財富無量饒益衆
生今正是時應當大施富貴雖樂一切無常
五家所共令人心散輕躁不定譬如獮猴不
能暫住人命逝速疾於電滅人身無常衆苦
之藪以是之故應行布施如是思惟已自作
手疏普告閻浮提諸婆羅門及一切出家人
願各屈德來集我舍欲設大施滿十二歲飯
汁行船以酪爲池米麵爲山酥油爲渠衣服
飲食卧具湯藥皆令極妙過十二歲欲以布
施八萬四千白象犀牛金飾珞以名寶建大
金幢四寶莊嚴八萬四千馬亦以犀牛金飾

四寶校絡八萬四千車皆以金銀琉璃頗瓈
寶飾覆以師子虎豹之皮若白劔婆羅寶幘
雜飾以爲莊嚴八萬四千四寶牀雜色綻綻
種種茵蓐柔軟細滑以爲校飾丹枕錦被置
牀兩頭妙衣盛服皆亦備有八萬四千金鉢
盛滿銀粟銀鉢盛金粟琉璃鉢盛玻璃粟玻

德一大末

璣鉢盛琉璃粟八萬四千乳牛牛出乳一斛
金飾其甲角衣以白疋八萬四千美女端正
福德皆以白珠名寶瓔珞其身略舉其要如
是種種不可勝記余時婆羅婆王及八萬四
千小國王并諸臣民豪傑長者各以十萬舊
金錢贈遺勸助設此法祠具足施已釋提婆

那民來語韋羅摩菩薩說此偈言
天地難得物 能喜悅一切 汝今皆已得

爲佛道布施

余時淨居諸天現身而讚說此偈言

開門大布施 汝所爲者是 憐愍衆生故
爲之求佛道

是時諸天作是思惟我當閉其金瓶令水不
下所以者何有施者無福田故是時魔王語
淨居天此諸婆羅門皆出家持戒清淨入道
何以乃言無有福田淨居天言是菩薩爲佛
道故布施今此諸人皆是邪見是故我言無
有福田魔王語天言云何知是人爲佛道故
有福田魔王語天言云何知是人爲佛道故
布施是時淨居天化作婆羅門身持金瓶執
金杖至韋羅摩菩薩所語言汝大布施難捨
能捨欲求何等欲作轉輪聖王七寶千子王
四天下耶菩薩答言不求此事汝求釋提婆
那民爲八十那由他天女主耶答言不汝求
六欲天主耶答言不汝求梵天王主三千大
千世界爲衆生祖父耶答言不汝欲何所求
是時菩薩說此偈言

我求無欲處 離生老病死 能度諸衆生
求如是佛道

化婆羅門問言布施主佛道難得當大辛苦
汝心軟串樂必不能求成辦此道如我先語

轉輪聖王釋提婆那民六欲天王梵天王是
易可得不如求此菩薩答言汝聽我一心誓
假令熱鐵輪在我頭上轉一心求佛道
終不懷悔恨若使三惡道人中無量苦
一心求佛道終不爲此轉
化婆羅門言布施主善哉善哉求佛如是便

德一

千

德

讚偈言
汝精進力大慈愍於一切智慧無量礙
成佛在不久

是時天雨衆華供養菩薩諸淨居天閻瓶水
者即隱不現菩薩是時至婆羅門上座前以
金瓶行水水閑不下衆人疑惟此種種大施

說是語已忽然不現是時菩薩聞說此偈自
念會中實自無有與我等者水閑不下其將
爲此即說偈言

若有十方天地中諸有好人清淨者
我今歸命誓首禮右手執瓶灌左手
而自立願我一人應受如是大布施

共一

文

一切具足布施主人功德亦大今何以故瓶
水不下菩薩自念此非他事將無我心不清
淨耶得無施物不具足乎何以致此自觀祠
經十六種書清淨無瑕是時諸天語菩薩言
汝莫疑惑汝無不辦是諸婆羅門惡邪不淨
故也即說偈言

是人邪見網煩惱破正智離諸清淨戒
唐苦墮異道

以是故水閑不下如是語已忽然不現尔時六
欲天放種種光明照諸衆會語菩薩而說偈言
惡邪海中行不順汝正道諸受施人中
無有如汝者

是時瓶水涌在虛空從上來下而灌其左手是
時婆羅婆王見是感應心生恭敬而說偈言
大婆羅門主清琉璃色水從上流注下
是時大婆羅門衆恭敬心生合手作禮歸命
菩薩菩薩是時說此偈言

今我所布施 不求三界福 爲諸衆生故
以用求佛道

說此偈已 一切大地山川樹木皆六反震動
韋羅摩本謂此衆應受供養故與旣知無堪
受者今以憐愍故以所受物施之如是種種
檀本生因緣是中應廣說是爲外布施云何

名內布施不惜身命施諸衆生如本生因緣
說釋迦文佛本爲菩薩爲大國王時世無佛
無法無比丘僧是王四出求索佛法了不能
得時有一婆羅門言我知佛偈供養我者當
以與汝王即問言索何等供養答曰汝能就
汝身上破肉爲燈炷供養我者當以與汝王
德一

心念言今我此身危脆不淨世受苦不可
復數未曾爲法今始得用甚不惜也如是念
已喚旃陀羅遍割身上以作燈炷而以白麪
纏肉酥油灌之一時遍燒舉身火然乃與一
偈又復釋迦文佛本作一鵠在雪山中時大
雨雪有一人失道窮厄辛苦飢寒并至命在

須臾鵠見此人即飛求火爲其聚薪然之又
復以身投火施此飢人如是等頭目髓腦給
施衆生種種本生因緣經此中應廣說如是
等種種是名內布施如是內外布施無量是
名檀相

大智度論釋初品中檀波羅蜜法施

問曰云何名法布施答曰有人言常以好語
有所利益是爲法施復次有人言以諸佛語
妙善之法爲人演說是爲法施復次有人言
以三種法教人一修傭路二毗尼三阿毗曇
是爲法施復次有人言以四種法藏教人一
修傭路藏二毗尼藏三阿毗曇藏四雜藏是

德一

十二

那

爲法施復次有人言略說以二種法教人一
聲聞法二摩訶衍法是爲法施問曰如提婆
達呵多等亦以三藏四藏聲聞法摩訶衍法
教人而身入地獄是事云何答曰提婆達邪
倡又復釋迦文佛本作一鵠在雪山中時大
雨雪有一人失道窮厄辛苦飢寒并至命在

但求名利恭敬供養惡心罪故提婆達生入

地獄呵多死墮惡道復次非但言說名爲法施常以淨心善心以教一切是名法施譬如今財施不以善心不名福德法施亦尔不以淨心善恩則非法施復次說法者能以淨心善思讚歎三寶開罪福門示四真諦教化衆生令入佛道是爲真淨法施復次略說法有二

種一者不惱衆生善心慈愍是爲佛道因緣二者觀知諸法真空是爲涅槃道因緣在大

衆中興愍哀心說此二法不爲名聞利養恭敬是爲清淨佛道法施如說阿輸伽王一日

作八萬佛圖雖未見道於佛法中少有信樂日日請諸比丘入宮供養日日次第留法師

說法有一三藏年少法師聰明端正次應說法在王邊坐口有異香王甚疑惟謂爲不端

欲以香氣動王宮人語比丘言口中何等開

口看之即爲開口了無所有與水令漱香氣

如故王問大德新有此香舊有之耶比丘答

言如此久有非適今也又問有此久如以偈

德一

文

荅曰

迦葉佛時集此香法如是父父常若新出王言大德略說未解爲我廣演荅曰王當一心善聽我說我昔於迦葉佛法中作說法比丘常在大衆之中歡喜演說迦葉世尊無量功德諸法實相無量法門懇勸讚講教誨一

切自是以來常有妙香從口中出世世不絕恒如今日而說此偈

草木諸華香此香氣超絕能悅一切心世世常不滅

于時國王愧喜交集白比丘言未曾有也說法功德大果乃爾比丘言此名爲華未是果也王言其果云何願爲演說荅言果略說有十王諦聽之即爲說偈

大名聞端正得樂及恭敬威光如日明

爲一切所愛辯才有大智能盡一切結

苦滅得涅槃如是名爲十

王言大德讚佛功德云何而得如是果報今

時比丘以偈答曰
 讀佛諸功德 令一切普聞 以此果報故
 而得大名譽 讀佛實功德 令一切歡喜
 以此功德故 世世常端正 為人說罪福
 令得安樂所 以此之功德 受樂常歡豫
 讀佛功德力 令一切心伏 以此功德故
 常獲恭敬報 以此之功德 顯現說法燈
 以此之功德 威光如日曜 照悟諸衆生
 能悅於一切 種種讚佛德 無量無窮已
 巧言讚佛德 以此功德故 常為人所愛
 辭才不可盡 讀佛諸妙法 以此功德故
 以此功德故 大智慧清淨 一切無過者
 令人煩惱薄 以此功德故 聞法能知
 二種結盡故 涅槃身已畢 說法直行
 火滅無餘熱 譬如澍大雨 法施中能出生財施及諸聲聞辟支佛菩薩
 重告王言若有未悟今是問時當以智箭破
 汝疑軍王白法師我心悅悟無所疑也大德
 福人善能讀佛如是等種種因緣說法度人
德一

名為法施問曰財施法施何等為勝答曰如
 佛所言二施之中法施為勝所以者何財施
 果報在欲界中法施果報或在三界或出三
 界復次財施有量法施無量財施有盡法施
 無盡譬如以薪益火其明轉多復次財施之
 報淨少垢多法施之報垢少淨多復次若作
 大施必待衆力法施出心不待他心復次財
 施能令四大諸根增長法施能令無漏根力
 覺道具足復次財施之法有佛無佛世間常
 有如法施者唯有佛世乃當有耳是故當知
 法施甚難云何為難乃至有相辟支佛不能
 說法直行乞食飛騰變化而以度人復次從
 法施中能出生財施及諸聲聞辟支佛菩薩
 及佛復次法施能分別諸法有漏無漏法色
 法無色法有為無為法善不善無記法常法
 無常法有法無法一切諸法實相清淨不可
 破不可壞如是等法略說則八萬四千法藏
 廣說則無量如是等種種皆從法施分別了

知以是故法施爲勝是二施和合名爲檀行
是二施願求作佛則能令人得至佛道何況
其餘問曰四種捨名爲檀所謂財捨法捨無
畏捨煩惱捨此中何以不說二種捨答曰無
畏捨與尸羅無別故不說有般若故不說煩
惱捨若不說六波羅密則應具說四捨

香統經 宛延二音 菩薩二字解谷豪傑上音毫
遺声下去 王四上去 串古音 遊性澍音注衍音
漱音 痘名聞声

大智度論卷第十一

德一

龍樹造 姚秦三藏法師鳩摩羅什譯

德二

九五末

姑渠陵舉余預繕繫丘阮反 寢七錦端
昌軟糲子撫然上音稚直利舍利弗舅名也
締丑知拘羅膝大因名大膝骨髓牒葉蔽然徑定
上音免觸上正校叶辟毗女妻細甲胄又直
豕欲稱須彌稱合作鑽子枅先哺必慄良
齊限上去甄陀上音真一耆移藍舍適無字的
毫釐合作毫子翕響下呼及詎音恃市挫則券要願下丘
焦消翕響下許兩音根縵莫蹕蹕脚亦頰叶接音
車乘下去月氏下音穀縷力躁到犀西憾

釋初品中檀波羅密法施之餘
問曰云何名檀波羅密答曰檀義如上說波
羅秦言蜜秦言是名渡布施河得到彼岸問
曰云何名不到彼岸答曰譬如如渡河未到而還
一